

Ai 17.05. éle dales 14.30 la **proscima Festa da Bato.**

In vëndres, ai 08 de má dales 20.00 ora d'oraziun te stüa dla dla ciasa de nosc Sant a Oies.

Dër tröpes porsones á desmostré na gran **solidarieté por daidé don Andrea a jí inant cun i laurs de süa colonia tl'Uganda.**

Döt adöm unse podü ti mené la gran bela soma de **13.188,59 Euro!** Idí se le paies a düc! Don Andrea präia y á zelebré na S. Mëssa por düc i benefaturs!

La Uniun dles Ères Catoliches de nosc decanat inviëia düc i geniturs che á n pice möt o na picia möta da batié, përs che aspeta, toc y totes de nosc decanat **ala preparaziun dl Bato la sabeda ai 09. 05. 2026 dales 15:00 a les 17:00 a Al Plan** – local de colonia – Deboriada orunse aprofondí l'importanza de chësc sacramënt, presenté le ritus y splighé i simboi dl Bato. Prëibel se prenoté pro **Lucia al nr 334/3200396**

Le KVV y le consëi de cüra organisëia in mertesc, ai 19 de ma n iade/pelegrinaje a Rovereto. Piun ia da plaza de dlijia dales 7:00. Dales 10:30 zelebrëia siur Degan, che nes acompagnëia, la s. mëssa, y dedo él la marëna. Domisdé junse a ciaré la gran ciampana di tomá te vera. Al é preodü da rové zeruch a ciasa ca. dales 19:00. Le iade costa 65 euro ai scric ite al KVV, y 70 ai atri. Informaziuns y prenotaziun anter i 10 de ma pro Marlene Ferdigg-Moling, ince por whatsapp al nr. 333 8879238. Gnide tröpes y tröc a passé n bel de!

L'uniun di ëi Val Badia (KMB) inviëia düc i ëi y i jogn ala prozesciun cun linternes o ciandëres che vignun dess se tó en mercui/dedemesaledema ai 13 de ma dales 21,00 da Neustift a Porsenú, oláche al vëgn zelebrada la mëssa tl dom. Al va ia na coriera cun chisc orars: S. Ciascian (Stüdafüch) dales 18.45 - La Ila (plaza Hotel Ladinia) dales 18.50 - Badia (dan Comun) dales 19.00 - Pidro (Hotel Posta) dales 19.15 - S. Martin (burcia) dales 19.20 – Longega dales 19.30
Düc i interessá è peria da se anunzié pro Leo Crepaz 348 409 6351 cina en domënia ai 10 de ma.

La Musiga da La Val organisëia da chësc isté inant leziuns privates de bateria/percusiuns cun Matthias Bäuerlein. Por deplü informaziuns contaté les verdajogn Ilenia (3713188238) o Katja (3496118286).

La musiga da La Val inviëia al concert d'aisciüda, en sabeda, ai 09.05 dales 20.30 te palestra.

Referat sura lí chertes topografiches y digitales da ji sö por munt por prinzipianc y co fa da arjigne ca na escursiun, cun Werner Frenes, ai 18 de má dales 20:00 tal pice salf de comun.



Plata dla Ploania da La Val

Ploan: siur Iaco Wendelin Willeit
347 9094532
parrocchiabadia@libero.it

Colonia
La Val ploanialaval@aruba.it
Redaziun: platacuera@aruba.it

UNITÉ PASTORALA



www.unitepastorala.org

Radio cüra: 91,60 MhZ

Ann A

27.04. – 26.04.2026

Nr. 22-23

PRÖMA SANTA COMENIUN



La Pröma Santa Comuniun é n avvenimënt dër important tla vita. I augurun ai mituns y ales mitans che al sides por ëi n beliscimo de, a chël che ai se recorda gion.

Les mius aodanzes por osta Pröma Santa Comuniun a INOM DE DÜC.

FUNZIUNS RELIGIOSES

26.04. Dumënia	4. DOMÈNIA de Pasca Domënia dles vocaziuns 8.00 Corona dla uniun: +to Comploi Sepl 8.30 S. mëssa dla uniun: +to Comploi Sepl +to Pezzei Giuvani, Cians +to siur Angel Complojer - aniversar +ta Agreiter suor Valeria +to Deiacò Franz - aniversar +ti Sottara Sepl, Monica, Emma, Giacomo y Matteo reng. fam. Rubatscher Michael, Tolpèi +to Alton Carlo – aniversar +to Miribung Angel 14.00 <u>Badia</u> : Prozesciun por vocaziuns sö Oies
27.04. Lünesc	10.00 Sopoltüra de Colz Francesco
28.04. Mertesc	7.30 +to Nagler Sepl - aniversar +ta Agreiter Moling Paola - aniversar +ti Rubatscher Giuvani y Ramona pur les püres animes
29.04. Mercui	<i>S. Catarina da Siena</i> 7.30 Oraziun dala duman
30.04. Jöbia	19.00 Adoraziun dl prüm vëndres 19.30 +ti Videsott, Cians +tes Agreiter Erna y Paola y +to Alton Carlo reng. fam. Frenner Tone y Maria
01.05. Vëndres	S. Ojöp laurant – Prüm vëndres 20.00 funziun de má
02.05. Sabeda	<i>S. Athanasius</i> 19.30 +ti Frenes Giuvani y Miriam +ti Campej Giuvanij Agata, Mirbun reng. fam. Pezzei Nese y Marlies in on. a siur H. Videsott y S. Ojöp F. reng. families de Rubatscher Albert
03.05. Domënia	5. DOMÈNIA de Pasca SAN FLORIAN – Patronn di Stüdafüch 8.30 S. Mëssa cun la comunité in onur de S. Florian S. Mëssa dla uniun: +to Colz Francesco +ti Costabiei Paul, Franz y Marianna +ti Valentin Sepl y Caterina +to Pezzei Giuvani, Cians +ta Valentin Anna, Arciara – aniversar

		+to Alton Carlo +to Costabiei Paul y +ti Agreiter, Lunz
04.05. Lünesc		<i>S. Florian</i> 20.00 funziun de má
05.05. Mertesc	7.30	+to Frenes Edmund +ti Miribung Paul, Richard y Angel +ti Frenes, Tofe in onur de S. Maria reng. fam. Moling Augustin y Erna
06.05. Mercui	20.00	te dljia: Corona por l'interzesciun de siur Heinrich Videsott cun esposiziun dl Santiscimo
07.05. Jöbia	19.30	ad intenziun pur les püres animes
08.05. Vëndres	20.00	funziun de má
09.05. Sabeda	19.30	+ta Hainz Magdalena reng. Moling Rubatscher Paola cun families
10.05. Dumënia	9.00	PRÜMA S. COMENIUN – Festa dla uma Ingres di mituns dla Prüma S. Comeniun dala scora jö – dedo S. Mëssa +ta Agreiter Tschaffert Anna +to Schuen Lois, Runch +ti Pescollderung Alma y Pire - aniversar +ta Dapoz Lunz Maria reng. fam. Nagler Martin

AODANZES: Ai **27.04.** cumplësc **Tschaffert Sepl**, Aiarëi, i **87 agn**, ai **02.05.** cumplësc **Comploi Giuvani**, Costa, i **86 agn**. Ti audun düt l'bun: serenité, cuntentëza y benedisciun de Dî!

INFORMAZIUNS

Düt le **mëis de má vëgnel tigní la funziun de má dales 20.00 te dljia** (fora dla jöbia y sabeda)

Al vëgn partí fora la comuniun ai amará le mertesc ai 05.05. do les 9.00 y les 15.00 sura la dljia, le mercui ai 06.05 do les 9.00 sot ala dljia.

In mertesc, ai 5 de ma é indo dütes les persones atempades inviades do mëssa ia tl pice self a sté adüm pro n café a carté o a s'la cunté.

Vëndres ai 22.05. sëra de informaziun a San Martin por la proscima Crejima 2027.